

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Qvæstio CIX.

[urn:nbn:de:hbz:466:1-73915](https://nbn-resolving.de/urn:nbn:de:hbz:466:1-73915)

nos. A visione vero, quæ fidei responder, angelos secundi dici Cherubinos, hoc est, plenos scientia & cognitione diuina, & à tentione, quæ spei responder, angelos tertii dici Thronos, quasi habentes ac tenentes Deum, quem sperauerunt.

Dominationes unde ap- petit. Inter angelos media hierarchia, supremi quo- rum est præsidere, ac statuere mandanda executio- ni, dicuntur Dominationes. Medij dicuntur Virtutes,

quorum est miraculus inferire, quæ in consummationem fidei, & commune bonum totius Ecclesie ce- dunt. Infimi dicuntur Potestates, quorum est cohibe- re, alligare, & accere dæmons.

Inter angelos vero infima hierarchia, ad quos executio regiminis in particulari spectat. Supremi, qui regibus, Episcopis, & capitibus regiminis mun- di huius inferioris sunt præpositi, dicuntur Principi- patus, & de horum numero videntur esse Princeps regni Persarum & Grecorum, de quibus Daniel. 10. est sermo. Medij, qui præpositi sunt prouinciis, re- gionibus, ciuitatibus, &c. dicuntur Archangeli. id est, principes nuncij. Infimi denique, qui præpositi sunt singulis priuatis personis, quas habent suæ custodiae creditas, dicuntur Angeli.

Eiusmodi nomina à do no vel numeri rei fuerint indita.

Illud notarini eiusmodi nomina sæpe imponi à dono, aut re alijs communi omnibus, aut pluribus angelis, vt à caritate, que cunctis inest angelis, dicuntur Seraphini, à scientia Cherubini, &c. Quò au- tem nomen ab altiori dono, aut munere imponitur, cō accommodatur ad significandos angelos altioris cho- ri. Quia vero nomina ipsa, secundum se, com- munia alioquin sunt omnibus, aut pluribus ange- lis, qui non sunt eiusdem chori, nullum est ablur- dum, si aliquando, sumpta in ampliori quadam si- gnificatione, usurpentur ad significandum angelum alterius chori. Vt Michael dicitur Archangelus, & ta- men probabile est spectare ad supremum chorum angelorum: quandoquidem pugnauit cum draco- ne, & victoriam illam magnam est adeptus, de qua Apocal. 12. maximè cum credatur eis princeps Christianæ Ecclesie, vt fuisse olim synagoga con-

Item Gab. stat ex Danielis 10. cap. Gabriel etiam, qui incarnationis mysterium beatæ Virginis nunciat, angelus dicitur, & tamen ad nunciadum Dei matri tan- tum mysterium verisimile est aliquem de Seraphi- nis fuisse delegatum: præterim cum omnes angelis sint administratores spiritus in ministerium missi, vt Paulus ad Hebreos 1. affirmit: n̄ autem ad nunciadum tantum mysterium missi non fuit aliquis de Seraphinis, nescio ad quid aliud fuerit vñquam missus.

Porrò nomina Angeli, hoc est, nuncij, & Archange- li, hoc est, principis inter nuncios, optimè in Seraphi- nos quadrant, tametsi angelis ultimi, & penultimi chori appropriantur.

Dubium est, utrum ordines angelorum mansuri sint post diem iudicij. Ad quod respondendum est cum D. Thoma art. 7. quo ad distinctionem quidem graduum, quatenus quidam sunt superiores: & quidam inferiores in gratia, meritis, ac præmio, éaque de causa iuxta merita sunt dispositi in regno ecclæsti per suos gradus & ordines, perseueraturos esse post diem iudicij: quoad executionem vero of- ficiorum, quatenus intertem dum militans Ecclesia durat, saluti hominum attendunt, mansuros non esse post diem iudicij: eo quod iam tunc id non erit necessarium. Atque in hoc sensu 1. ad Corinth. 15. ait Paulus: Christum euacuatorum omnem principa- tum, & Potestatem, & Virtutem, cum tradiderit re- gnum Deo, & Patri in consummatione facili, cū vi- delicit peracto iudicio, redditaque simul homini-

Disput. vnica.

A bus iustis gloria corporis cum gloria anima, cum eo ascenderint regnaturi in perpetuum.

Dubium etiam est, virum homines afflamarunt ad ordines angelorum. Ad quod respondendum est cum D. Thoma art. 8. eos assumi: gradus namque angelorum formaliter distinguuntur penes merita & gratiam, vt dictum est: qui ergo homines æqua- uerint Seraphinos, aut etiam aliquantulum excelle- rent (si forte aliquis, præter Dominam nostram, ut premium Seraphinorum excedit) collocauntur cum Seraphinis: qui vero æquaerint Cherubinos, collo- buntur cum Cherubinis, & ita de ceteris ordinibus. Hi vero, qui ante vñm rationis decederunt, aut in futurum decadent cum sola gratia baptismali, aut cum gratia, quam consequebantur ijs, quibus cir- cumcisio, att remedium, quod in lege nature erat contra peccatum originale applicabatur, nec non alij peruenientes ad vñm rationis, qui exigua ad modum merita ex hac vita deferunt, licet creden- dum sit eos esse inferiores, gratia, meritis, & præmio, infimo omnium angelorum, annumerabuntur tamen, & associabuntur infimo choro angelorum: non secus ac infimus angelorum illius chori annumeratur reliquis, esto ab eis gratia & meritis excedatur. Non solum autem Christus Dominus, quarenus homo, sed & Domina nostra longo interculo exal- tata est super choros angelorum ad celestia regna, comparaturque ad angelorum choros tamquam eorum Regina & Domina quam cum Filio suo Angelorum Rege & Domino, per infinita seculorum sa- culavenerantur & laudant.

QVÆSTIO CIX.

De ordinatione malorum angelorum.

DISPUTATIO VNICA.

Non er dæmones, dum status militantis Ecclesia perdurat, ordo est prælati- pessimæ, quo in odium Dei, & in odium ac inuidiam generis humani (Deo ad ag- nem & exercitum), atque in occasionem excellen- toris victoriae, & cumulatoris hominum meriti permittente) inter se conspirant, ac vniuntur, inferioris viribus, natura, scientia, & nequitia, iis, qui his omnibus superioris sunt, obediunt, vt bellum hominibus inferant, eisque quantum potuerint, pro permissione diuina noceant.

Esse inter dæmones huiusmodi ordinem collig- tur aperte ex Scripturis sacris. Ad Ephel. 6. Vt possi- tisflare aduersus infidias diaboli: quoniam non est nobis colluctatio aduersus carnem & sanguinem, sed aduersus Principes & Potestates, aduersus mundi rectores ten- brarum harum, contra spiritualia nequitia in celestibus. Matth. 12. dicebant Pharisei, Hic non erit dæmoni- nis in Bezebub principe demoniorum. Et Christus: Si Satanas Satanam ericit, quonodo stabit regnum eius ha- ber ergo regnum Satanás, hoc est, coordinationem pessimorum dæmonum sibi ad nutum obtemperan- tum: habet etiam legiones, vt colligitur ex Marco cap. 5. & ex Luca cap. 8. estque iniquorum omnium caput, & princeps inter omnes filios superbia: sicut Christus caput est iustorum omnium. Præterea Matt. 25. dicitur, Ite maledicti in ignem eternum, qui paratus es diabolo, & angelis eius. Et Apocalyp. 11. Draco pugna- bat, & angelus eius, & non valuerunt: habet ergo Lucifer angelos sibi subditos, qui cum eo Eccleiam mi- litantem infestant, & oppugnant.

Subiaceat.

Dæmones
subiacent
honorū An-
gelorum po-
testati.

Subiacent verò angeli mali potestati bonorum Angelorum, à quibus vel coercentur, vel permittuntur infideli hominibus, & Ecclesiam infestare prout expedit, & intelligunt esse Dei voluntatem: illis etiam interdum manifestant aliqua, vt tamquam ministri diuinæ iustitiae, illa aduersus homines exequantur, vt hoc loco articulo quarto tradit D. Thomas.

Finita verò militante Ecclesia, cessabit principatus, & ordo ille inter dæmones: quia cessabit finis, ad quem permittitur, & ad quem inter se coniurant. Atque de huiusmodi dæmonum principatu exponi etiam optimè potest illud primo ad Corinthios decimoquinto: Deinde finis, cùm tradiderit regnum Deo & Patri, cùm euacuerit omnem Principatum, & Potestatem, & virtutem (dæmonum scilicet, quæ illucsumque permittet) operiet autem illum regnare donec ponat omnes inimicos sub pedibus eius: nonissimè autem inimica destruetur mors (per resurrectionem scilicet iustorum finite hoc mundo, & lucta Ecclesie militantis) omnia enim subiecti sub pedibus eius (Christi, scilicet, quæ homo est.) Cùm autem dicat: Omnia subiecta sunt ei, sine dubio praeter eum qui subiecti ei omnia: cùm autem subiecta fuerint illi omnia, tunc & ipso Filius subiectus erit ei, qui subiecti sibi omnia, & sic Deus omnia in omnibus. Hec Paulus eo in loco. In quen ait Glossa: Quamdu durat mundus, Angeli Angelis, homines hominibus, & dæmones dæmonibus presunt. Obferua tamen in dæmonibus esse Principatum, Potestatem, & virtutem, ad malum, dum scilicet ad hominum euerctionem imitari satagent Principatum, Potestatem, & virtutem sanctorum Angelorum ad bonum, promotionisque hominum in vitam eternam.

QUÆSTIO CX.

De præsidentia Angelorum super crea-
turam corporalem.

ARTICVLVS I.

Vtrum creatura corporalis administretur
per Angelos.

SENTENTIA D. Thomæ est, crea-
turam corporalem administrari per An-
gelos, non solum quatenus intelligentiæ mouent orbis cœlestes, à quorum

motu generationes & corruptiones rerum magnopere pendent, & à quibus vis tota in his inferioribus regitur, & gubernatur, quod Aristotelem non latuit: sed etiam quasi peculiares Angelii peculiari bus rebus, ac effectibus deputati sint in his inferioribus, sive ad exequendam in aliquibus rebus diuinam iustitiam, sive ad alios effectus. Quin potius questione 113, articulo secundo ait D. Thomas probabile esse, diuersis speciebus rerum diuersos Angelos eiusdem ordinis prefecitos, in eandem que sententiam inclinat hoc loco, præsertim in response ad terrum, estque amplectenda sententia Diu Thomæ, maximè quoad primum, nec secundum probabilitate caret, vt idem Doctor sanctus ait: Quod ergo aliqui Angeli perfecti immediatè sint his rebus inferioribus, maximè ad effectus aliquos, qui extra natura cursum fiant, nec

A non ad curandas, ac conservandas species, meliorè cursum vniuersi, probatur. Quibus Augustinus libro 8, quæstionum, quæst. 79, sic ait: Una quæque res visibilia in hoc mundo, habet Angelicam potestatem sibi prepositam. Et octauo super Genesim ad literam, capite vigesimoquarto: Angelis, inquit, Deo subditè frumentis, vt Deo beatè servientibus, subdia est omnis natura corporea, omnis irrationalis vita, omnis voluntas, vel infirma vel prava, vt hoc de subditis, vel cum subditis agant, quod natura ordo poscit in omnibus, subenti illo cui subiecta sunt omnia. Et infra: Ideo Deus bipartita prouidentia sua opere præstet universæ creatura, naturis ut stant, voluntatibus autem vt sine suo iussu, vel permisso nihil faciant. Idem docet tertio de Trinitate, capite quarto. Damascenus secundo libro fidei Orthodoxæ, capite quarto, ait: Diabolus fuisse ex iis Angelicis virtutibus, quæ præserant terrestri ordinis, & cui à Deo terra custodia commisera erat. Et Origenes homilia decimatercia super Numeros: Opus est, inquit, mundo Angelos, qui presunt super bestias, & presunt animalium nativitatē, & virgulorum, & plantationum, & ceterarum rerum incrementis. Gregorius etiam quarto Dialogorum, capite quinto, ait: In hoc mundo visibili nihil, nisi per creaturam inservibile, disponi potest.

Accedunt testimonia Scripturæ sacræ, Apocalypsis septimo: Vidi, inquit Ioannes, quatuor Angelos stantes super quatuor angulos terræ, tenentes quatuor ventos terre ne flarent, quibus addit: Vidi alterum Angelum ascendente ab ortu solis, & clamauit voce magna quatuor Angelis quibus datum est nocere terra, & mari, dicens: Nolite nocere terra & mari, neque arboribus quo adusque signemus seruos Dei nostri in frontibus eorum. Et capite decimoquarto, ait Ioannes: Et aliis Angelus exiuit qui habebat potestatem super ignem. Ex hac tenus tamen dictis non intelligas, Angelos efficere vera miracula. Quoniam licet multa efficiere possint circa res corporeas supra communem earum cursum, non tamen verum miraculum: tamen si preparare, & disponere possint aliqua, vt ultius Deus se solo officiat miraculum, hoc est, effectum, qui totius naturæ creatæ facultatem excedat. Quæstione decimaquarta, articulo sexto, retulimus Hieronymi in illud Abacuc primo: Mundi sunt oculi tui unū cum aliis verbis (que pia expositione indigent, qualem illis adhibuimus) dixisse: Liber ille apocryphus stolidus condemnandus est, in quo scriptum est quendam Angelum nomine Tyri præesse repubilibus, & in hanc similitudinem pīcibūs quoque, & arboribus, & bestiis vniuersis propriis in custodiā Angelos deputatos. Quibus verbis negare videtur Hieronymus, singulis Angelis esse singulas species, vt custodiāntur, creditas.

ARTICVLVS II.

Vtrum materia corporalis obediatur
Angelis ad nutrum.

O V ò d Angeli non possint immediatè inducere formas in materiam, easque de potentia materiæ educere, est communis Theologorum sententia, colligiturque ex Augustino tertio de Trinitate, capite octauo. Rationem huius rei reddidit Durandus in secunda distinctione septima, quæstione quarta. Quoniam in agentibus corporis est virtus sufficiens ad eas producendas, educendas, &que de potentia materiæ: quare

H h h 4 fustra